



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 29. De comite Odone et eius traditione in villa Sunstede in pago Derlingo, nec non de comite Cobbone filio ducis Saxoniae Ecberti, et comite Esicone.

urn:nbn:de:hbz:466:1-36114

olua (g) testef beio helmeric ailbern rainold gherhard bernhard *liudolf* (G) gubernante Corbeiam Warino.

§. 29.

Tradidit cumbro (h) in uice odonis comitif quidquid ille habuit in uilla nuncupante *sunstede* (i) in pago *derlingo* (k) testef *cobbo* (l) *efic*

Saltzam in ducatu Magdeburgico situs. Hunc locum fuisse urbem *Wallisleui*, Waldisquam Widekindus nostras tempore Heinrici aucupis a Redariis esse captam refert *leif. Annal.* Lib. I. p. 639, supra §. 20. arbitrari fumus. Volebat enim Widekindus suis fratribus ad animum reuocare damnum, quod abbatia nostra ex hac barbarorum ferocitate fuerat passa. Nullam enim aliam causam videmus, cur Widekindus tantum solius urbis *Wallisleui* mentionem fecerit, cum, alia castra eadem quoque calamitatem passa esse, probabile sit. Quæ cum ita sint, per *Wallisleui* cum Nic. Hier. Gundlingio in *Henrico aucupe* p. 182. oppidum *Fallersleben* in ducatu Luneburgico intelligere non possumus. Oppidum enim *Fallersleben* quondam erat pars pagi *Derlingo*; villa autem *Waldislef* ad pagum Norththuringi referebatur. Et quamuis Widekindus noster *Wallisleui* locum urbem appellet, hoc tamen non impedit, quo minus nostrum *Waldislef* locum intelligamus, siquidem Widekindi tempore castra etiam vrbes appellabantur, vti multis, si opus foret, exemplis comprobare possemus. *Redarii* autem erant populi, qui inter Albim et Panim fluuios, seu inter Leontium (*Lentzen* ad Albim) et Diminum vrbes, atque ita in aliqua parte *Prignizzæ* et *Stargardiæ* habitabant.

- (g) Villæ *Olua* situm accurate nondum indicare possumus. Reperiuntur in ducatu De villa Magdeburgico *Oluenstede* atque *Ouelgunne*. Fuere ibidem quidam nobiles di-Olua. *Et de Oluersorp*. Inuenitur quoque in eo fluuius *Olua*, qui se non procul a loco *Hundsburg* cum *Beuera* miscet. Probabili autem coniectura iudicamus, intelligi locum *Elbenau*, non procul a *Westerhusen* situm.
- (G) De *Luidolfo*, fratre abbatis Corbeiensis *Warini*, vide supra §. 27. not. (B). De Luidolfo.
- (h) *Cumbro* hic quadam donat vice *Odonis comitis*. Fortasse ab hoc *Odone* villa *Odenbus* fuit donata, quam in pago *Derlingo* existisse vidimus supra §. 24. Caue, ne hunc *Odonem comitem* confundas cum *Odone comite*, cuius meminit diploma regis *Arnolfi*. Repugnat enim chronologia. Diploma regis *Arnolfi*, infra §. 163. allatum, datum est anno 888; hæc autem traditio facta circa annum 826 vel 827, quo tempore *Otto* illustris, cuius in diplomate *Arnolfi* ratio habita est, nondum in viuis fuisse videtur. Confer celeb. *Gruppenii Origines Pyrmontanas* p. 162, et infra §. 188. De villa *Sunstede*.
- (i) *Sunstede* hodie appellatur *Sunsted*. Locus spectat ad ducatum *Brunsvicensem* De villa eiusque præfecturam *Königslutter*. Ecclesia in *Sunsted* filia est monasterialis ecclesie in *Königslutter*. *Sunstede*.
- (k) De pago *Derlingo* egimus iam supra §. 15.
- (l) *Cobbo* germanus erat abbas Corbeiensis *Warini*, abbatissæ *Herfordiensis Hadwi*, De comite *Cobbone*. ducis *Saxonie Luidolfi*, et comitis *Beuonis*. Illud demonstrabimus infra ita, vt de eo dubitatio nequeat superesse. Hæc adducimus verba auctoris *Translationis S. Puffinæ* e Tomo I. *Scriptorum Rerum Brunsvicensis. Leibnitii* p. 182. quia in tractatione sequenti ad ea sæpissime prouocare debemus, addituri in præfens autem scholia nostra, vt pateat cunctis, quo sensu nos eadem verba exponamus, atque vt simul intelligatur, omnes eruditos hæc verba nondum recte interpretatos esse. Ex iis vero, quæ infra dicturi sumus, cunctis fiet palam, nostram interpretationem firmissimo niti fundamento. Accipe ergo ipsa verba: *Fundata igitur duo nobilissima cænobia sunt tempore augustæ memoriæ Ludouici imperatoris: quorum vnum nominatur CORBEIA, alterum HERIFORD vocatur; vnum domino militantibus monachis, alterum sanctis virginibus, domino consecratis! Quorum edificatio a reuerendissimis viris, et summa laude celebrandis, ADALHARDO videlicet, eiusque fratre WALA, qui et merito ei et regimine successit, instituta est. Nec alienum nostro proposito videtur perstringere, propter ignorantium institutionem, quod hi duo, tam morum honestate et vitæ pariter sanctitate, quam etiam generositate præstantissimi fuerunt: fuerunt enim CONSOBRINI sua ætate maximi et celebrandæ memoriæ CAROLI IMPERATORIS AVGVSTI; quod ideo prælibaui, vt ex condito-*

Ab anno 826 usque 853 imperante Hludouico et

efic (m) immed (n) bernhard uufheri fibold uuikric (o) hunnuard bodo teodoric item uuihric renold heuo.

§. 30.

Tradiderunt eilger horic et uuilheri in uice thiadboldi in heribrumun (p) duof mansof testef uuido reinheri baldric marcuuard riculf hrotghat hrodunard uulfger adalger redbern emmo uuillo dago dachbert.

§. 31.

Tradidit redman in haslbechi (q) mansum unum et hominem cum uxore

ditorum dignitate locorum dignitas colligatur: hoc quippe non modo non postrema laudis, sed summa glorie apud maiores fuit. Et ut superiora repetamus, quod ex CORBEIA FRANCIE hi duo monachi et abbates fuerunt, CORBEIAM ad eius similitudinem nominari voluerunt. Quo in monasterio primus abbas ad iidem venerabilibus institutus est WARINVS, nobilissimo genere propagatus: fuit enim genitus ECHBERTO CLARISSIMO COMITE ET DYCE, matre splendidissima nomine IDA, tam nature muneribus et generositatis quam elegantia morum, cuius (scilicet Warini: iam enim nihil impedit, quo minus hic supra dicti fratres Warini intelligamus) fratres adaque clarissimi viri, magnis dignitatibus illustres et apud exteros et apud domesticos emittuerunt.

Horum (scilicet Adalhardi et Walæ) ergo nepitis, utpote ex eorum sorore (ergo Ida ducissa soror fuit Adalardi et Walæ) genita, patre viro spectabili et valde inclyto ad regimen beverfordensis monasterii venerabilis Haduini (infra in his traditionibus nominatur Hadwi) diuino nutu promoti, et diuino amore et maiorum suorum exemplis, tamquam quibusdam stimulis emulationis incitata, cum desideraret, tam sanctæ religionis deuotione quam patrocinio sanctorum monasterium, quod susceperat, illustrare posuit pia intentione, quamquam difficile impetratu videretur, excellentis CAROLI REGIS super hoc auxilia flagitare: non enim aliter, quolibet in loco regni eius sanctorum pignora forent, ea consequi posse videbat. Erat autem aditus ad ipsum, siue consanguinitatis gratia, cum ei tertio quartoque cognationis gradu coniungeretur, siue quod maires eius multa familiaritate ac liberalitate memorati principis vti essent, tum etiam, quod FRATER EIVS COBBO in palatio quotidianis eius adhaerebat obsequiis; et etiam quod pretiosissimis saepe donatus ab eodem fuerat muneribus, non minimum eius animos accendebat, et, ne tirebaret in aliquo ius inolitæ familiaritatis, effecerat. Ex his verbis, fideliter transcriptis, apparet, Cobbonem comitem fuisse fratrem tam abbatissæ Haduine, quam abbatis Warini. Cum itaque in his traditionibus infra §. 126 Luidolfus appelletur germanus Cobbonis, sequitur et Luidolfum fuisse filium Eberti ducis, atque Ebertum fuisse fatorem Heinrici aueupis atque Ottonum Augustorum.

De Esicone.

(m) Hunc Esiconem caue ne confundas cum Esicone comite, sine mascula prole defuncto, qui grandis natu monasterio Fuldensi se addixit, et de quo egimus supra §. 23. Cobbo, qui hoc tempore senex nondum esse potuit, hic ante Esiconem collocatur. Id factum non esset, si venerabilis ille senex hic intelligendus esset. Probabiliter est denotatus Esic iunior, de quo agimus infra §. 195.

(n) De Immedo vid. supra §. 4. not. (h).

(o) De Wihrico confer §. 17. not. (i).

De villa Heribrumun.

(p) Villam Heribrumun in pago existisse Pathergo, docuit nos abbas noster Saracho in Registro B. et P. A. C. Pagum Pathergo fuisse in Paderbornensi episcopatu, et quidem circa urbem Paderbornam, ad liquidum deducemus infra. Designari ergo existimamus vicum Herbram, in diocesi Paderbornensi situm inter Lichtenau, Iggenfen, Dalen et Nienherfe. Thiadboldus, qui duos mansos in hac villa fitos Corbeiensibus tradidit, videtur fuisse comes Theadboldus, quem supra §. 21. inter testes deprehendimus. An is fuerit comes per pagum Pathergo, id quidem nunc in medio relinquimus.

De villa Haslbechi.

(q) Villa Haslbechi erat, teste Sarachone in suo Registro, sita in pago Auga, in quo præterea erat visenda ipsa nostra abbatia Corbeiensis. Procul dubio hæc villa inter desolatæ est recensenda. Nullus enim vicus in tota illa regione, in qua olim

pa-